



kat.komp.

21569

III

Mag. St. Dr.

P

Antonius Archiep. Gnesn.

urkowski B.

Ord. S. Benedicti Conu. Sincensis Proregia co.

PANEG. et VITAE

Polon. Fol.

N<sup>o</sup> 1383.



ona.



# PRO REGIA CORONA<sup>1166</sup>

Celsissimi Principis

*Illustrissimi, Excellentissimi, & Reverendissimi Domini,*

D. CHRISTOPHORI  
ANTONII

*COMITIS in SLUPŌW*

SZEMBEEK,

DEI & Apostolicæ Sedis Gratiâ  
ARCHIEPISCOPI GNESNENSIS,  
LEGATI NATI; REGNI POLONIÆ, & M. D. L.

PRIMATIS,  
PRIMIq; PRINCIPIS,  
ARCHIABBATIS TYNECENSIS COMMENDATARIJ.

Fulgidis Vnionibûs

*Illustrissimorum Antistitum, & Regni Procerum SZEMBECIORUM,  
Colligata DOMUS, Peraugustaq; Prosapie Magnatum,*  
pro ECCLESIAE ac PATRIÆ decore

INSIGNITA,  
ABBATIALIBVSq; INTERTEXTA GEMMIS,  
Votivo Carmine

à Regio Conventu Tynecesi, Ord. S. BENEDICTI

CELEBRATA.

*Annô,*

*Quô, Regem Regum Rosa Mystica Virgo coronat.*

*1740.*

GRACOVIAE TYPIS UNIVERSITATIS.



1167 IN AVITVM STEMMMA  
CELSISSIMI & EXCELLENTISSIMI  
PRINCIPIS.



BIBLIOTH. UNIV.  
JARELLONICAE

21.569

I.

Nativo fulget PRO-REGIA flore CORONA,  
Quam triplici vultu pandit amana ROSA.  
CAPREOLI currunt agiles; ut constet, Iis quod  
Ultimus hic non est, Celsus Honoris apex.

II.

Si certum: quod Juno Rosas intulerat Astris,  
Et quod Zodiacus Capreolos foveat;  
CAPREOLOS hinc, sivè ROSAS scruteris; in omni  
Affinis Calo, SZEMBEIANA DOMUS.

III.

ANTONIUS Spinis BENEDICTI Lilia jungit,  
Purpureasq; ROSAS addit in omne decus.  
CHRISTOPHORUS Numen Supremum pectore portat  
CAPREOLI sunt victima grata DEO.



Celsissime  
 Illustrissime,  
 &  
 Excellentissime  
 PRINCEPS.



D Majestuosam laudis tuæ  
 Emphasim, quamuis Tibi ma-  
 gnis cum plausibus, Pro-Regium  
 Primatialis Honoris Templum  
 ingredienti, AVITÆ ROSÆ sufficienter exor-  
 nent elegantiam viæ; attamen, quasi hæc parva

A

adhuc



1169  
adhuc videretur gloriæ semita, ipse Coronatus  
Procerum Regni obviam Tibi procedit Sena-  
tus. Decet etenim tantorum Nominum Cæ-  
tum, Celsissimo Tuo Ascensui plenis assistere  
vultibûs; ut & in Purpura conjunctus Sanguis  
rubicundiore resplendeat Cælo; & in Tyara con-  
nexæ pretiosissimi Generis gemmæ, clariori præ-  
fulgeant lumine; & à Præsuleo Annulo, plenior in  
Regnum descendat Benedictio. Pro Regiæ itaq;  
Regni CORONÆ, cò profundius Caput inclina-  
mus, quò Illa fulgentius eminet: *Rosarum* Fasciculis  
in Campo Lechico assurgentibus, eum litamus  
cultum, quem ipsa requirit collectorum Excel-  
lencia meritorum. A florido literarum Hymet-  
to, non alios solemnitatum deducimus applau-  
sus; nisi quos melleum tuum ò PRINCEPS!  
ROSARVM TVARVM sapit acumen; quæ  
Memphyticam Regalium Pyramidum altitudi-  
nem, æstimationis excedunt pretio, prospectu  
suo Mundum delectant, fertisq; Cælum coro-  
nant. Sub illarum umbraculo, tota salus Re-  
gni quiescit; Regum Solia, æterna gloriæ sta-  
tione perseverant, ac Cælis contermina Celsi-  
tudine gloriantur. Illarum in folijs expressa  
Regni decora, aureoque Sapientiæ imbre irri-  
gata Florum conspicimus Numina; Patricios  
scilicet Oratores, Legum Defensores ingeni-  
osissimos, Atticos Solones eloquentissimos,  
Cyrò



1170.

Cyrô animosiores, Dariô præstantiores, Xer-  
xe potentiores Duces & Principes veneramur  
SZEMBECIOS. Et hæc est jure meritò Pe-  
træ nostræ Tyneccensis exaltatio! quia in illa  
extra plerosquè alios insculptam CELSISSIMI  
PRINCIPIS, Prædecessoris Tui Celsitudi-  
nem, Sanguinisquè purpuram, STANISLAI  
nempe SZEMBEK, PRIMATIS Regni,  
& ABBATIS TYNECCENSIS, Cælis ipsis illa-  
tam intuemur, Nomenquè magnum Terris  
& Cælo spectabile exaratum colimus: quod  
quidem Nomen, omni laude majus, in splen-  
doribus Sanctorum coruscat, SZEMBEKI-  
ANOq; Virtutum Vireto serenis affulget radijs.  
Hujus PRINCIPIS inexhaustam liberalitatem,  
in Tempia Arasquè Deorum effusas opes, toties  
sæcula mirabuntur, quoties vel ipsa Cænobij  
nostri triclinia, verissima Principis munificentiae  
argumenta non sine stupore relegend, & revi-  
debunt. Hanc Celsissimi Prædecessoris Maje-  
statem, Tu o PRINCEPS! repræsentas; qui re-  
diviva ac admiranda STANISLAI virtute re-  
fulgens, non facis sepultum tanti PRINCIPIS  
Nomen; quinimò vivam in Te veramquè Orbi  
universo Ejusreddis effigiem. Quapropter sum-  
mis virtutibus clarus, DEO acceptabilis, cordis  
candore plenus, dum ROSEIS Sertis Tuis, hoc  
est incomparabili gloriâ & honore, vota Patriæ,



1171  
desideria Senatûs, Populi expectationem, No-  
strumquè omnium suspiria coronas, permittes  
o PRINCEPS! ROSAS Tuas, Hoc amænum  
gloriæ Viridarium Spinis Sanctissimi BENE-  
DICTI circumvallari; quæ ROSÆut sem-  
per sint in flore, Romuleaquè rutilent tutæ  
sub statione,

ita precatur perenni Voto.

*humillimus servus*

P. BENIGNVS BVCHOWSKI,

Ordinis Sancti BENEDICTI;

Nomine totius Conventûs.



# PROREGIA<sup>1172.</sup> CORONA.

**A**Ttingis PRINCEPS supremum culmen Honoris!  
Quò Te sublimat *Pro-Regia* digna CORONA:  
Quod Roseis campis exornat Gloria Regni,  
Floræ Majestas quod celsa fronde coronat,  
Quod nectit pompis aurati velleris *Agnus*,  
Regia quod Tyrijs scintillis Purpura vestit.  
Tritis hæc PRINCEPS scandis vestigia plantis,  
Semita Majorum Tibi quæ virtute remonstrat.  
Idalius fulgor, quò Purpura PRINCIPIS ardet,  
Pellit Hyperboreas de Regni sidere noctes:  
Et ROSA Sacra Dijs vernans in montibus Hyblæ,  
Pascit apes Patriæ, tum mellea sæcula reddit.  
Moribus ille color splendescit concolor altis!  
Nec poterat pingi meritum meliore colore.

CHRISTOPHORI Nomen portans in corde Senator,  
Magnarum monstras virtutum pondera Cælo!  
De quibus ipsa legit laudes Ecclesia Sancta,  
Quam validis humeris sustentas fortior Atlas,  
Nominis & propriam vulgas in sæcula famam.  
Nativos *Flores* divinas spargis ad Aras!  
Floribus his *roseis* nec candida *lilia* desunt;  
Scilicet intacto cordis candore triumphans  
ANTONIVS, Cælum selectâ fronde coronas,  
Et Regno gratos morum diffundis Odores,  
Qui pretium Themidis præcellunt pondere justo.  
Non poterant Cathedræ *Cujave* ferre valorem!

B

Ducere



1173, Ducere nec digno cultu gravitatis honorem!  
Hinc est, quòd tantos *Pro-Regia* flore CORONA  
Virtutum nectat radios, & ponat in auge:  
Vt PRINCEPS niteas PRIMATVM Fronsq; Senatùs  
Et tanto cingas ornatu Regia Sceptra,  
Atquè Senatorum primaria Vota coronas.

Aureus à primo Pactoli flumine clarens  
Fons, & origo, sui generis fastigia pandit  
GERLACVS SZEMBEK: Lydijs prædives in undis,  
Irrigat amne ROSAS rutilas: emblemata florum  
Cælo præsentans, Orbem complevit odore;  
Dum plenus meritùs, nativis fulget in arvis:  
Ingenij radians pretiò, per signa ROSARVM  
Evexit summi *Capricorni* vellus in astra,  
Et varijs laudum conscripsit floribus horas,  
Atquè coronandas præsentat in Orbe *Capellas*.  
Quem CAROLVS Cæsar Gangetis prætulit Amni,  
Fama Senatorum primæ annumerare Curuli  
Non prætermisit: quem Cæsaris annulus ipse  
Summâ pro gemmâ Marti monstravit & Orbi:  
Illius fulgor virtutis terruit hostes,  
Nexuit & victas proprio splendore coronas.  
Spinas pungentes ROSA sævos misit in hostes,  
Et frontem Patriæ viridanti germine strinxit.  
HENRICVS SZEMBEK sequitur vestigia Patris,  
Nec signis rerum gestarum deviat illis:  
Martius Hector erat, primævæ Duxq; cohortis,  
Qui *Roseis* lauris Victor sua tempora cinxit.  
FRIDERICVS SZEMBEK resonis præclarus in Armis.  
Non cessit Clypeis, nec & hastas horruit audax!  
Hic *Lombardorum* terror, Mavorsquè stupendus,  
BOLKONIAS Acies *Mistenbergensia* Castra,  
Lusu devicit! robustaq; pectora fregit:  
Cujus ad adventum tremuerunt motibus *Alpes*,  
Armorum crebris strepuit tinnitibus aura,  
Belliger ipse, ferox, crepitantia tela cruentans,  
Ad flammam largus, tormentis fulgura misit  
Atquè sitim vincens extinxit sanguine victo.

*Purpureus*



*Purpureus* Flos Hic, proprijs excrevit in agris,  
 Qui *Roseos* Campos collegit robore tali.  
 Imperium plures Proceres virtute coronat;  
 Nam VENCESLAVS SZEMBEK pietate colendus  
 Gemma Sacerdotum *roseis* connexa pyropis,  
 Qui *Moguntinis* Aris effulsit, & auxit  
 Myſta Sacer Leges: prælatæ Regula vitæ,  
 Dignus Apostolica vel Majestate nitere:  
 Verbi Præco DEI, doctus Sacra dogmata tractans,  
 Eloquijs *roseis* attraxit Corda piorum,  
 Et novus Hymmettus prædulci munere mellis,  
 Pavit Apes, ac Elyſios tranſmiſit in hortos.  
 AVGVSTVS SZEMBEK, Comes alto Sanguine clarus,  
 SEDLNICIJS Mitris has gemmas addidit ABBAS,  
 Quas *roseus* fulgor nativo lumine monſtrat,  
 Evehit & puro Præclara Bohemia cultu.  
 Ingenij dotes RVDOLPHVS Marte *ſecundus*  
 CÆSAR honoravit: rutilum pietatequæ pectus  
 Vidit in AVGVSTO, quem pinxit gratia Floræ,  
 Præſtantesquæ ſimul virtutum ſparſit odores.  
 Cæſariem Cæſar *roseis* his cinxit amomis,  
 Prætulit & Regno famoſam munere pompam,  
 Quam ROSA Dux florum diffundit in aurea ſcuta.  
 Inſignes falces dat PRVSSIA BARTHOLOMÆO  
 SZEMBEK, cûi fidit locuples Fortuna potentes  
 Regni theſauros, opulentaquæ pondera terræ:  
 Qui tamen in *Roseo* vultu pretioſior aurû  
 Effulſit, fueratq. ſimul Frons prima Senatûs.

Evexit Cæſar MAXIMILIANVS honores  
 In PETRI SZEMBEK, præclari Nominis Ara,  
 In titulos *Petram* celebres, & Nobile ſignum  
 Europæ ponens: quòd fortior Herculis arte,  
 Lernæas hydras poterat virtute necare,  
 Atquæ venenofas Patriæ compeſcere larvas,  
 Monſtraquæ de Regno circumvallata colubris  
 Pellere, tum capitum turbas delere potenter.  
 Vnde feras maſtans PRINCEPS dum culmina ſcandit,  
 Sylveſtres CAPREAS venando retia tendens,



Infauftis vicibûs fatorum præda fuiſſet,  
 Ni ſcopulos mortis ſuſpectæ firmus Aheno  
 Magnanimi PETRVS munifſet robore cordis,  
 Fallacesquè feras maclâſſet acumine docto.  
 Non poterat præceps occaſus *Principis* eſſe,  
 Dum tantis luxit radijs *Aurora Roſarum*:  
 Hinc meruit Roſeum conjungi ſtemma CAPELLIS,  
 Vt *Rofa* perpetuo radiet cum *velleris* auro.

SZEMBECIANVS honor toto ſpectatur in Orbe!  
 Cujus fulgores in Regnum *Flora* Polonum  
 Diffudit, primo proſpectu viſcera Regum  
 Svaviter oblectans, Procerum ſimul aurea firmans  
 Pectora cum ſignis Regni, ſua ſigna ligando.  
 Nam ROSA complevit ſummum cum flore Senatum,  
 Progeniem Patriæ præclaro ſanguine tingens,  
 Dilatans folijs munimina, ſcutaquè mille.  
 Ipſe SIGISMVNDVS fuerat qui Tertius ævo,  
 Et VLADISLAVS qui *quarto* Nomine fulſit,  
 Regia Sceptra *Rofis* inſcripſerat atquè Coronas.  
 Tot CAROLVS SZEMBEK CASIMIRO Rege JOANNE  
 Collegit lauros, quot ſtravit vertice criſtas,  
 Conculcando Scythas tum Coſacosquè rebelles  
 Vicit! & æternos obeliſcos fidere junxit,  
 Ac ævum laudis Roſeo conſcripſit in Agro.

Extollunt Aquilæ Regales ſigna *Roſarum*!  
 In quibus ipſa Fides condigno flore niteſcit,  
 Expreſſumquè patet Nomen Numenq; colendum.  
 SZEMBECIANVS honor meruit cum ſtemmate Regnum  
 CAPREOLI dignam portant de flore Coronam,  
 Ex *Roſeo* genio decus immortale JAGELLO  
 Iunxit odoratis deviſto Marte *Maniplis*,  
 Hoſtiles Acies CORYBVTHEA *Cynthia* Cornu  
 Expunxit; poſtquàm præſtanti robore Capri  
 Adverſum Martem vicêrunt! cardine poſtes  
 Procubuere minas ad tantas atquè futores.  
 Palmas & *Clypeos* SOBIESCIA Gloria flore  
*Szembeciô* cinxit, quali Laurentia Chloris  
 Sudores Patriæ tergit, Regnumquè coronat.



Enfibûs AVGVSTI respundet fama *Secundi!*  
 Pectoris immensi spectatur candor amænus!  
 Quem *Roseus* fidei cum lumine purpurat ardor.  
 TERTIVS AVGVSTVS Trabibûs qui fortior Atlas  
 Orbem sustentat, nec nutat Marte Polono,  
*Flore* triumphales *Enses* simul agmina lauris  
 Compfit: quas Juno Saturni sparsit in imbre  
 Aura Jovis semper dotali flore fovebit.

SZEMBECIANA Domus Regales surgit in Aulas,  
 Est inconcussus Paries, Regnique columna:  
 In *Roseis* folijs sunt Propugnacula mille;  
 Nam generis splendor, præclara stirpe coruscans,  
 Magnanimos Procerûm nexus ac arma remonstrat,  
 De quibus ingentes terrores incutit hosti,  
 Atquæ trahit post se summæ præconia laudis.  
 Est non vana fides, *Genus hoc*, genus esse Deorum!  
 Quod nitet Elisijs campis, & præbet in Astris  
 Auroræ roseam faciem: cum lumine Solis  
 Temperiem Regni quæ Sabæo fundit odore,  
 Efformans Patriæ blandos vultus quæ serenos.  
 Nec vivæ spirant, nec anhelant lenius auræ,  
 Quàm dum pura dies *roseâ* sub luce nitescit:  
 Solvere quam nescit diffusis imbribus Auster,  
 Aut obduratus Nothus inturbare procellis.  
 Dives *Amaltheæ* cornu fit Jupiter ipse,  
 De quo Numinibus Divis fluit aurea messis.  
 CAPREOLI puro dum clarent velleris aurò,  
 Regno fundit opes opulento *Copia* cornu,  
 Clavas Herculeas, Mitras & Regia Sceptra,  
 Pontificum Vittas, roseo cum lumine vestes,  
 Chrysolitos flavos, ignitos atquæ Pyropos,  
 Munera depromit; nec habebit talia Pontus.  
 Alpheus enarret jucundo murmure cursum!  
 Talia nec Pelepon, nec & Elis Olympia vidit,  
 Qualia *Capreoli* virtutum gressibûs æquant.  
 Passibus immensis incurrunt Turcica Castra,  
 Heroum sylvas frangunt, & Cornua Lunæ.  
 Balticus ipse Leo, vultu qui dormit aperto,



Horum conspectum timuit: fugiendo per undas,  
In medijs antris latuit quærendo salutem:  
Vnica fama potens adversas terruit Vrbes.

SZEMBECIANA Domus, Gedeonis *vellere* claret!  
Signa notat pacis. Cælesti rore rigata:  
Hostibus evictis Patriæ Capitolia celsa  
Scandit, & ingreditur gaudens comitante triumpho.  
Ipsa *Rosis* callem sublimem Flora perornat:  
*Capreoli* cingunt Phæbèâ cornua laurô,  
Atquè triumphales ducunt ad sidera currus.  
In plausus abeunt superati fulmina Martis!  
Prostratæ turmæ formant sub lege colossos!  
Fama tubis magnum divulgat Nomen in Orbe.  
Excussæ Martis nutant de vertice cristæ!  
Scuta reperiçssio rutilant per sidera Phæbo!  
Contremit in gladijs obscurus fulgor & ardor!  
Errantes flammæ ludunt hebetata per arma.

Gloria FRANCISCI SZEMBEK sublimia gesta  
Per *Sandecenses*, *Camonecensesque* Curules  
Extulit, & Regno decus addidit indè venustum.  
Insignis cujus nituit prudentia rerum,  
Quæ primos Regni Proceres, totumquè Senatum  
Traxerat in *roseum* pretiosæ mentis acumen,  
Et sua pro merito redimivit tempora lauris,  
Nec Nomen gessit vacuum, quod duxit ab Astris!  
Sic placuit Superis; ut Fundatore sub isto  
Ordo Seraphicus in thesaurum totus abiret,  
Magnificæ qualem testantur Numinis Aræ.

Regni PRIMATIS, SZEMBEK laus STANESILAI,  
Principis emeriti Nomen sublime filere  
Nescit! quod dignis *Tynecia* tecta loquuntur  
Laudibus, & *roseas* extollunt axe coronas.  
Turris Metelli repetitis vocibus echo  
(*Semper honos, Nomenquè tuum, laudesq; manebunt*)  
Personet! æterni Benedicta Propago, perorat  
Principis egregij Nomen, quod Fama per Astra  
Sparsit, & Angelicis tradit lingvis venerandum.  
Pontificis Magni benefacta sonantibus auris

Intonat



H78.

Intonat ipse Nothus, *roseis* qui dormit in ulnis.  
Quem placidus Zephyrus nigris revocavit ab umbris,  
Et cum Sole facit claris certare coronis.  
Nec similes plausus Cognatio *Cacihorum*,  
Nec genus assequitur Trajani talia dicta!  
Hic PRINCEPS Patriæ fuerat Sol, Araquæ lucis,  
Ingens delictum Regni, Regumquæ levamen:  
Hic firmamentum populi celebrisquæ Columna.  
Fasciculus *Roseus* præstantia Numina florum  
Junxit, quæ Cælò sanguis lectissimus hausit,  
In cujus *roseo* Regnum splendore refulsit,  
Tullius eloquiò conscripsit Nomina Regum  
Floribus in tantis: fasces & scuta trophæis  
Composuit PRINCEPS vincendo prælia pace.  
Sic Nomen gessit PRINCEPS cum *laude* perenni,  
Ut nunquàm possit Nomen cum *laude* perire.  
Cassiodorus ait, *sunt dissana Nomina Cælo,*  
*Si non concordant summo cum Numine semper.*  
Moribus hoc PRINCEPS complevit STANESILAVS!  
Cujus in æternas laus concelebranda meavit  
Auras, & *roseis* commisit floribus horas.  
Hic PRINCEPS fuerat Pater & Protectoregenis!  
Rebus in adversis, tribuit solatia summa,  
Conjunctas docuit cum paupertate nitere  
Divitias: Pietas quem Clero prætulit almo:  
Cujus in exemplo Proceres sua dogmata vitæ  
Monstrârunt Regno: nec in his Ecclesia Sancta  
Vidit nutantes animos; imò rutilantes  
Sub *roseo* Cælo curavit adesse Penates.  
Hic fuerat PRINCEPS miræ probitatis Imago!  
Qui Majestatis plenâ gravitate refulgens,  
Pondera virtutum, mentis trutinante balance  
Ingens in pretium librandum prætulit astris.  
Verax in Sanctis ac immutabile verbis  
Intonuit dictum: cultu fastuquæ remoto  
Pro-Regis solio residens, mirante Senatu  
Devicit *Curios* assertoresquæ *Camillos*,  
Patricio semper Regni sermone petorans.



Dum se Divinis Præsul conjungeret Aris,  
 Ipsa gradus Pietas roseis niveisque Coronis  
 Cinxerat, immensas lauros & vota refundens,  
 Famaq; Panchæos incensi sparsit odores  
 Et flammam cordis posuit, pro lumine zelus.  
 Principe defuncto, resonabat fletibus Aula!  
 Attonitæ steterant tristi sub pectore mentes:  
 Ingens certabat mæror lachrymantibus undis;  
 Nec vinci poterat nisi commoriente dolore.  
 Indoluit fatis compresso corde Senatus!  
 Divorum votò (quod dignum culmine Cæli)  
 Humanis rebus præreptum sidus in Orbe!  
 Concepit meritis cælestes Præsul honores,  
 Manibus atque manus conjunxit fletus amoris.  
 Quantæ virtutis fuerit de PRINCIPE vita?  
 Mors pretiosa satis monstravit signa Rosarum.  
 In quibus ipsa suam pompam construxit & Aram  
 Flora roseis redolens, pro tanto PRINCIPE dignam:  
 Ac Examen apum jussit resonare Vireto,  
 Sub quo Majestâs Regni, tot mellea sæclâ  
 Collegit; priscus quot cunctis falcifer Annis  
 Saturnus nunquàm poterit per fata movere.  
 Quæ nox exstinguit Præclari PRINCIPIS ortum?  
 Quem plenis radijs Sanctorum splendor honorat:  
 Ac Aurora roseis comitantibus urget in astra:  
 Cujus Capreolos summi Jovis Ara coronat  
 Lauris æternis; quod talis victima Cælis  
 Digna suos axes scandat; quod luce Capelle  
 Taurum cælestem superent, fortemq; Leonem  
 Et quia plura novi Capricorni sidera tangunt.  
 Funera Pontificis, jam non Cyparissus adornet!  
 Fulgida dum Rosæ lauri monumenta coronant.  
 Ingenio Magnus simul & virtute JOANNES  
 SZEMBEK, Supremus dum Cancellarius esset  
 Regni, præcellens meritorum lumine cunctos.  
 Urbis & Orbis amor fuerat: quem Gratia Regno  
 Parturijt, tenerasq; Rosas cûi lactea Chlorys  
 In Cunas sparsit: quem virtus inclyta nutrix



Moribûs innocuis pavit, certosq; docebat  
 Gressus atq; gradus prudenter inire Senatum,  
 Ornavitquè suâ prætextâ Cracia Pallas.  
 Magnæ more volans Aquilæ, Cælestia cursu  
 Sublimi penetrans, superanti sidera mente  
 Æquavit, toto dum clausit pectore Numen.  
 Hostiles acies valido qui fulmine fregit;  
 Nec tamen abscessit Judex à legibus ungue.  
 Intrepidò calamò, meritorum gesta libellis  
 Conscribens vitæ, venturis Nomina sæclis  
 Perlustranda satis monstrans, imitanda reliquit.  
 Fascibus ipse suis virtutum grande volumen  
 Nexuit, & famam memorandam prætulit Orbi.  
 Quis major surget cum tota laude Senator?  
 Vox gravis ipsa suos deprædicat Orbe triumphos!  
 Ut jubar & radians spectetur lumen Eliæ,  
 Ignivomo quondam qui curru venit ad Astra,  
 Et rapidis Euri pennis transvectus in altum,  
 Vestales ingens *Fundator* reddidit Aris,  
 Atquè triumphales posuit pro lumine flammæ.  
 Parca *Rosas* quamvis mortali clausit in antro;  
 Ipse tamen fragrans odor Astra decora replevit,  
 Diffuditquè suo redivivam Nomine famam.

Antistes MICHAEL SZEMBEK præconia laudum  
 Clangenti lituo divulgat & intonat Orbi!  
 Gloria Pontificum, pia *Suffraganeus* Aris  
 Thura litans *Cracijs*, incensans cordis amorem,  
 Pro grege commisso votivos dedicat *Agnos*.  
*Paphnensi* Mitrà decoratus lumen adauxit,  
 Gemmarum radijs, quibûs Aræ, Templaq; fulgent.  
 Sic *Cracie* Cathedræ conjunxit amæna viretæ;  
 Ut sociata fides legeret cum pace coronas,  
 Famaquè spiraret roseos virtutis odores:  
 Qui redolente Thymò Paradisi dulcia tecta  
*Prepositus* MICHAEL referavit, & intulit Orbi,  
 Atquè dies vernos eduxit stemmatis Ortu.  
 ABBAS ad *Claram Tumbam*, pietate coruscus,  
 Divorum Manes coluit, præcordia jungens.



Thure repletis cælis necnon Ordinis ipse  
 Candor erat totus toto spectabilis ævo.  
 Aurea mens cuius, Pactoli fuderat aurum,  
 Divitias cuius dispersit prodiga dextra,  
 Nec tenebris damnavit opes, quas publica luci  
 Virtus exposuit, laudem cumulando perennem.  
 Utq; recens nobis pateat clementia CHRISTI,  
 Fundavit *Gracias Charitum* probitate Thalias,  
 Et plenus meritis summum conscendit Olympum.

Si Patriæ cineres volvamus, de quibus ignes  
 Perpetuos laudis revocabit gloria Regni,  
 Ut Cælis pateant satis immortalia gesta,  
 PRECLAVS SZEMBEK splendet rutilante triumpho,  
 Qui *Woynicenses* exornat flore Curules,  
 Atque *Rosis* Patrijs redimivit tempora Regum.  
 Annibali compar depellere finibus hostem  
 Non ignoravit: metuendus semper in armis,  
 Irruit audacter medios moriturus in hostes,  
 Magna triumphantis Victoris gesta, *Vienna*.  
 Æternis memorat sæclis *defensa* potenter.  
 Spiritus ipsius vivens in Corpore Regni,  
 Cælestis fuerat totus post fata superstes,  
 In lauris *roseis* subridens fulmina Martis.  
 Magnatum vitam si pondero sanguine claram,  
 Illa satis nunquàm pro Regni vivet honore:  
 Nonne diu vixit, qui nomen duxit in Astra?  
 Et plures Annis poterat præferre triumphos?

Nec LUDOVICUS abest SZEMBEK ab imagine laudis.  
 Ad *Gracias* Cathedras quem Pallas Chloride cincta  
 Duxit: cui Pietas subjecit calcar honoris.  
 Hic Canonum Sacrorum verus cultor & Author  
 Et perfectorum præfulsit regula morum:  
 Regni selectus qui SECRETARIVS arcti  
 Pectoris arcanum Patriæ sacravit & astris.  
 Et quamvis florem mors immatura recidit:  
 Non tamen avulsit *roseam* de flore *Coronam*.

ANTONIUS SZEMBEK Fratris vestigia calcans  
 Germani, similes præfert condignus honores:

Hic



Hic Præses Cathedræ *Cracia*, decus addidit ingens  
Virtutum: & pleno doctrinæ lumine clarus,  
Aonijs cinxit meritissima tempora lauris.

FRANCISCVS SZEMBEK Bellator Theseus alter,  
Qui Dapifer Regni *roseo* de germine mensam,  
Nectareasquè dapes hymenæaquè fercula Divis  
Proceribus Patriæ posuit, Martisquè labores  
Campis Hymmetti, recreabat & intulit Hyblæ,  
Expletâ tandem lachrymarum valle virentem  
Elysium collem conscendens, gaudet Olympo.

CHRISTOPHORI SZEMBEK extollit VARMIA Mitrâ,  
Principis appretians gemmas, & Muricis Ostrum:  
Qui fuerat verè radiantis imago decoris,  
Implens subjectam præcelso lumine terram.  
Pontificis tanti, quis posset splendida summo  
Gesta referre Polo? Qui gessit Numen amandum,  
Et Sphæras Regni suffulcit Nobilis Atlas.

CHRISTOPHORO Nomen conjunxit flore JOANNES,  
Quod Natum *roseis* cunis, violisq; coruscis!  
Quod sapuit Hyblam, sapuit quod mellea verba,  
Aurea de cujus prospexit *Gratia* vultu.

VARMIA de tali prospectu sumit honores,  
Dum meruit summam de tanto *Flore* Coronam.  
His *roseis* fertis redimitus & ipse Senatus,  
Et Regni jubar, hac præstanti luce perennat.  
Angelicis pennis Pietas spectata notatur!  
Præfulis excelsi Sanctorum claret in Aris  
Majestas, *Roseis* gradibus decorata nitescens.

PRINCIPIS imperium miratur VARMIA tota!  
Ingenioquè Ducis ter felix SAMBIA plaudit,  
Cælis delapsum votivo pectore Numen,  
Et terris morum præsens exemplar adorans.  
Sceptra jubente DEO Princeps suscepit & Aras,  
Jura colenda suis populis virtute beavit,  
Blanda metu miscens, legum venerabile dogma  
Sub ditione sua, præcella Sede locande.  
In *roseo* pretio præfulgida Purpura luxit,  
Pro spinis radios solares mente rubentes

D2 Spargebat



Spargebat populo, qui tristia nubila pellunt:  
 Annulus ardebat præclaro lumine pacis,  
 Cruxq; coruscabat pendens à pectore Sacro  
 Absquè dolore sibi subjectis mentibus ullo.  
 Pavit Oves Pastor dapibûs de flore *Rosarum*,  
*Capreolos* nitidos Divinis hic dabat Aris.  
 Pontificis meritum quanti sit ponderis? Astris  
 Verbi Virgo Parens, totum LINDANA perorat:  
 Is *roseo* Princeps *Jiliam* splendore coronat  
 Ac traxit post se mentes virtutis odore.  
 Florum Reginae Pæstanum veris honorem  
 Præstitit, & junxit flores, quos PVRPURA portat.  
 Nec tali Cedrus, nec regnat laurus in umbra,  
 Qualibus effulsit folijs ROSA PRINCIPIS una!  
 Elisijs tandem Campis translata nitescit,  
 Ac immortalem terris diffundit odorem.

Laude Palatinum resonante *Syradia* Cælis  
 Tollit ALEXANDRVM SZEMBEK: totoq; Senatu  
 Herodem celebrat Magnum Macedonia Nostra:  
 CAPREOLI fugiunt dignos dum laudis honores,  
 Illos insequitur Majestas major in Orbe.  
 Nec submontani colles benefacta tacebunt!  
 Terrestris *Judex*, CAPITANEVS atq; BECENSIS  
 Qualia justitiæ Sanctâ pro lege locavit.  
 Virginis effigies plus prodigiosa loquetur  
 TVCHOVIÆ clarens! dicit quo cordis honore  
 In Superos fertur, Cujus devotio testis.  
 Flora ROSAM gestans Cælorum pulchra venustam  
 Conjunxit *roseos* fascies, quos detulit Aris.

ANTONIUS SZEMBEK hic ipso Nomine FELIX  
*Succamerarius* in sublimi Monte *Vavelli*  
 Fudit ab ore ROSAS, fragrantia lilia jungens:  
 Eloquiò quoties sonuit resonante per Orbem,  
 Orator toties Romanas venit ad aures.  
 Egregio semper sermone silentia rupit,  
 Bistonium Vatem superans modulamine linguæ:  
 Limitibus Legem juris, decretaquè firmans,  
 Qualia composuit clarens *Ænotria* terra,



*Divæ Themis jam Sceptra tenet, jam splendet Athenis.*

Qui tandem cupiens meritorum claudere metam,  
Æternum spatium *roseis* conclusit in Arvis.

JOSEPHVS SZEMBEK, excelsi Præsul honoris,  
Doctrinæ dapibûs qui CHRISTI nutrit Ovile:

*Filius accrescens*, scandens virtutis in augem,  
Clarus sidereo *Solis* *Luneque* nitore:

Qui Majestatis terrestria Numina vultu  
Præcellit: generis quem cingunt lumine *Stellæ*

Aris evectum: consurgunt Cujus opimi  
In Campo Regni, meritorum sorte *Manipli*.

CHEŁMENSEM Cathedram *roseo* dum flore coronat,  
Altiùs extollit virtutis culmen in Astra.

Pastorale Pedum sic gestat, dirigit atquè:

Vt nisi turma gregis, morum fastigia scandat.

Purpura Pontificis, præcelso sanguine claret:

Hinc decuit Mitram condigno culmine pandi.

Gemmis conspicuus Præsul procedit ad Aras,

Ipsa ROSIS gressus Pietas observat & auget.

CAPREOLI mites, hoc fulgent vertice montis,

Qualem Flora *Rosis*, & lectis floribus ornat,

Ponderat & præstans prædivite *Copia cornu*.

Gesta Palatini celebris LIVONIA narret

FRANCISCI SZEMBEK! Cujus præconia servat

Mira quies Pelagi, tum Balthica Classica laudant.

TOLKMICENSE decus si nescit VARMIA fari,

Innumeris virtus quod de virtutibus auxir,

Neptuno seriem laudis, CVRLANDIA dicet.

Insula fluctifono depromit carmine Nomen,

Munere res gestas extollit Pontus in altum:

In freta concurrunt resonanti flumine Nymphæ,

Aureus expumat gemmas ad littora Ganges,

Lympha coronatur *roseis* in margine fertis.

FRANCISCVS SZEMBEK quem Castellania Magnum

In *Vislicensi* solio deprædicat Hæmum,

Eminet in Patria, sublimi vertice montis:

In quo Mars. Geticus posuit regale Tribunal,

De quo Flora ROSAS in Regnum fundit amænas.

E - Et ne -



Et nemus Ammonium seu plantat Theffala Tempe,  
Inclita condecorant palmas signacula palmis.

*Osuecimensis* tot *Castellanus* honores  
PETRVS habet SZEMBEK, quot sunt lapides pretiosi.  
Effulget Regni radijs adamantina PETRA!  
Insculptum PETRVS Petræ fert Nomen & Omen.  
Castris & Clypeis, & firmis pervigil armis  
Defendens Patriam, persistit murus Ahenus:  
Annibal hanc solidam PETRAM convincere nescit.

Monstrat ALEXANDER SZEMBEK clarissima gesta,  
Quæ *Castellanus Naclensis* prætulit Orbi,  
Nectit & Amonio roseas in germine lauros:  
CAPREOLI Regni sustentant robore molem,  
Et cumulant Patriæ dignas virtute coronas.

SZEMBECIANA Domus plures virtute Penates  
Floribus inscripsit patrijs, numeravit & Astris:  
Gloria quos Regni profert Regalibus Aulis,  
Et Martis robur roseo redimivit honore.  
Nomina Numinibus Regni conjuncta coruscant;  
Sub statione Rosas tali nec gutta Trionum,  
Nec furor aut rabies Euri, bacchante procellâ  
Commovet, electæ Zephyrus quas intulit Hyblæ,  
Mellea tum pacis divulgat sæcula Regno.  
Quis *Roseum* docto continget acumine Florem?  
Qui tangi non vult, nec spinis tangitur ipsis:  
Hammatibus jaculis vallatur *Flora Rosarum*:  
Hostibus incutiant ut propugnacula pavorem,  
Atque vagos perimant scarabæos floris odore.

Hos Orbis Proceres PRINCEPS virtute potentes  
Maganimosque Duces nativa fronde coronas,  
Colligis & decus hoc, *Roseo* quod sanguine claret.  
Primus honor Regni splendet, & gloria prima!  
Viva Majorum monstrans in imagine vultum:  
Ex rebus gestis Regnum Te PRINCIPE regnat,  
Qui Pater es Patriæ florentis, lausque salusque.  
Munificam dextram pretiosior annulus ornat,  
Pontificis pectus plenum bonitate coruscat,  
Et crucis in signo, clementia Sancta triumphat.



1186.  
Victima pro Regni Votis ivère *Capella*;  
Hinc *roseis* flammis consurgit in Astra Tiara,  
Eminet & digno *Pro-Regia* flore CORONA.

Hinc Pax atquè Salus Domui sit SZEMBECIANÆ!  
In folijs lucens ROSA, quòd fert gemmea Scuta,  
Impetus armorum CAPRICORNI robore frangunt,  
Cornibus auratis Cælestia Signa coronant.

## COLLIGATASTEMMATA CELSISSIMORUM EXCELLENTISSIMORUM

<sup>ac</sup>  
ILLVSTRISSIMORVM REGNI POLONIÆ PROGERVM;  
cum CELSISSIMA FAMILIA  
SZEMBECIANA;

<sup>in Qua</sup>  
PERAVGVSTORVM MAGNATVM  
inocciduis eminet fulgor,  
REGNIq; Inexpugnabilia Propugnacula  
perpetuâ laudum celebrantur adoreâ:  
in PRO-REGIA collucent CORONA.

**S**temmata quæ sæcli memorant præclara decorem,  
Et genus extollunt ex alto sanguine Regum,  
Splendores Patriæ, celsi sunt atquè colossi,  
Gloria quos posuit pro signo laudis in ævum:  
Firma triumphalis sunt Propugnacula Regni,  
In quibus ipsa Salus & Pax secunda quiescit:  
Ad quorum aspectum tremebundus corruit hostis,  
Convictusquè gemens nutantia consecrat arma,  
*Fascibus insignes & legum culmine fulta*  
*Convenère DOMVS: & qui lectissimus Orbi*  
*Sanguis erat, rutilans in Sacro murice regnat,*  
Quem celso præfert PRO-REGIA flore CORONA.

*Korybut.* Stellarum Princeps est *Visnioveccia Luna*!

Ea Regia



1187 Regia nempè *Domus*, Magnatum cingitur Astris  
Et celsa irradians augustum luce Senatum,  
Impletur Sceptrîs, Mitrîs, Clavisq; Potentum:  
Illa Comes Solis, Magnorum sidera Regum  
In radijs sequitur: Latonæ gloriâ lucis,  
Mærentis Patriæ nigrantia lumina pellit,  
Et candore jubar tristes effundit in auras.  
Non ecclipsatur, pleno dum lumine claret:  
Nomen fert Lunæ, sunt cætera lumina Solis.  
Luminis occasum nec vidit Vesper opacus?  
Illa soporiferos animos ad prælia traxit,  
Fuderat & lauros opulento Copia cornu.  
Ordinis aurati, scû famam Martis Equestris  
Nobilitas meruit Regni, de Principe tanto,  
Religioquè CRVCIS signo rutilante nitescit,  
Quæ Regum frontes & Martis pectora firmat.  
Aurea CRVX rutilat, quam nectit gemmea stella!  
Turcica Luna cadit tali compuncta timore,  
Et confossa tremit majori cuspide lucis.  
Desuper invigilans Hæc candida *Cynthia* Cælo  
Proijcit in terras inverso fulmina vultu,  
Turcica ne valeant consurgere Cornua Lunæ.  
Russia Lithvano compar est lucis honori,  
Præ reliquis stellis KORYBVTTHEA sidera servans,  
Quæ summo splendent Apogæi luminis axe,  
Aspectumquè suum diffundunt Orbe Polono,  
Atquè dies Patriæ reddunt in pace serenos.  
SZEMBECIANA ROSA his splendoribus intima læper  
Gratior effulgens, Majorum spirat odores.

*Aquila.* Principe Regalis *Radiviliana* Propago  
Sanguine resplendens Generis fastigia præfert:  
Vexillis *Aquilam* regnantem pandit in altum;  
Vt pateat Martis toto conspectus in Orbe,  
Qui Romanorum signis audacior ibit,  
Armatos *Equites* jungens, Clypeôquè potentes.  
Victorum Dux est *Aquila* & Regalia signa  
Pennatis humeris gestat; nec deficit unquam.  
Conscripsit pennis patrijs præconia Regni,

Proseri



Proscripsitquè procul bifrontem limine Janum. 1188  
Regales *Aquilas* non tangit fulmen acutum!  
Aspiciunt Solem Regni, nec lumina claudunt.  
Prospectu penetrant constanti viscera Phæbi,  
Et Majestatis capiunt in sidere vultum.  
In Petris *Aquila* Regalia Mænia servant,  
Quis poterit tantæ molis confringere Castra?  
Est *Aquila* sidus, quod Celsis claret in Astris:  
Ad libram noctis dum plenâ convolat alâ;  
Circulus à *Cancro*, *Capricorni* vellera signat:  
Hoc *Aquilæ* lumen collaudat Sacra Mathesis.  
Dum lux in Regno *Radiviliana* coruscat,  
Stellatum Caput est; quod candida *Cynthia* servat.  
Hoc sidus nunquam trepidat clarente *Leone*,  
Exoritur puro *Capricorni* sidere semper,  
SZEMBECIANA DOMVS, signis his fulget in Astris,  
Et *roseum* vellus conjungit luminis *Alis*.

*Sveniawa.* Romani Imperij Princeps *Lubomirscius* Orbem  
Sarmatiæ tuto *Fluvij* munimine vallans,  
Hostiles acies hoc vasto merfit in *Amne*:  
Clarior Eridanò, tollens ad sidera fluctus,  
Evehit excelsum Nomen resonantibus undis.  
Exundet Nilus! septemquè per Ostia currat!  
Vberiore rigat *Fons* Hic de gurgite Regnum  
Murmure jucundo dum concitat ætheris auras.  
Est Patriæ Portus, placidæ requiesquè senectæ.  
Impletus meritis memoranda volumina sorbet.  
Auratum Vellus, cujus de *Flumine* manans,  
Purpureâ Regnum pro Majestate Senatum  
Vestivit, riguò tum lauros fonte rigavit.  
Tres *Fluvij* celebres currunt per Olympia mundi:  
Aurum *Pactolus*, gemmas effundit *Hydaspes*!  
Largiflui Latices clarent *Ganges* in undis.  
Tales in Patria splendent ordine gemmæ,  
Quales appretiat rarâ de luce Senatus.  
Triplex hoc flumen redditquè simillima Phæbo  
Pulchra percussis Regni splendoribus Astra  
India nec similes gemmas, nec fundit arenas.

F

In qui-



1189 In quibus ipse ferox, generosus & agmine Mavors  
Certando posset baccas connectere lauris.

Hic *Fluvius* pleno currens torrente per Orbem,  
Ut Regni radiet decus immortale CORONÆ,  
Gemma effundit, quales opulentus Hydaspes  
Nec Ganges refluus numerat natus in undis.

*Druzya*. Has fluidas laudes, meruit *Rupnensis* fama!  
Clara tubis resonis, adamantina flumina volvens.  
SZEMBECIANVS honor, qui toto fulget in Orbe,  
Æstimat hos *Fontes*, quos puro ponderat auro,  
Atque suum *vellus* conjungit velleris Ostro,  
Et *roseo* junctos concludit margine rivos.

Pulchro pergit *Equus* cursu, *Clypeatus* in hostem,  
*Pegonia*. Districto gladio rescindens laurea ferta:

Signa *Crucis* celebrat regali juncta Coronæ;  
Sat metuendus adest! & firmo pectore præstans.

Talia conveniunt victrici præmia frontis  
Principis ut validi clarescat maxima virtus,  
*Parcere subjectis, & debellare superbos.*

PRINCEPS SANGVSZKO Dux vinci nescius armis,  
(Cujus Magnanimos Annales Gloria Regni  
Prædicat, ac Astris Mavortia gesta legenda  
Evehit) hæc dignus meruit præconia laudum,  
Qui *Cruce* condecorans constantia pectora Regni,  
Hostibus in medijs, gladioque potente triumphans,  
E rutilo Clypeo jaculatur fulminis ignes.

Gloria sternit iter, currit per sæcula virtus!  
Pro meta laudis, totus non sufficit Orbis.

Non timet umbriferas insignis fama cupressos,  
Quam *lignum vite* redimivit fronde perenni,  
Trajanus quadrupes fatalia Pergama vincat!

Hic *Sonipes* cuneos calcans audacior ibit,  
Intrepidus Patriam defendens corpore toto.

Sole Phlegon, Pyrois, clarent Eous, & Æthon,  
Qui complent placidis vastas hinnitibus auras,  
Et solis faciem revehunt temone nitente.

Pegasus ipse patet famosa voce Pœtis,  
Castalios latices qui duxerat ex Helicone,

Ex qui-



Ex quibus alma novem sumpserunt pocula Musæ. 1190  
Invehit *Hic Sonipes* clarissima Lumina Regno,  
Pulchrè quæ Patrio surgunt emersa *Fluente*;  
Hinc laudum *laticès* reserabit in ungue potente.  
SZEMBECIANA ROSA, his jaculis armatur acutis.  
Sanguine connectens dotales Chloridis hortos;  
CAPREOLOS jungens immensis passibus illis:  
Et quorum juncto rubet utraqùe Purpura vultu,  
Et Mitris nova lux miro fulgore coruscat.  
Stemmatis hoc signo laus CZARTORISCIA claret;  
Nempè Duces illi, famæ calcaribus acti,  
Præcipiti cursu, pulchrò certamine juncti,  
Hostiles acies, inimicaquè Castra fugantes,  
Sub *Chocimo* miras *Osmani* Principis artes,  
Versutosquè dolos, pharetras, & tela minarum,  
Lunigerosquè focos, furialis & agmina Martis  
Captivasquè manus celebri duxère triumpho.  
Bellerophontæus *Sonipes* quatit æthera summa,  
Atquè coronatus millenis prominet Astris.  
SZEMBECIANVS honor, vestigia talia servat,  
CAPREOLOS jungens æquali munere laudum,  
Qui celeri gressu scandunt fastigia Regni.  
Et quoniam pariter conjuncto sanguine certant,  
De ROSEIS pratis communia pascua sumunt.

*Navis.*

Europæ Pontum tranans *Opalinscia Prora*,  
Deportat pretium meritorum tramite recto,  
Impensæ virtutis honos, statione secunda  
Applicat ad portum, quem lauris gloria cingit,  
Turbinibus nunquàm, aut ventorum fluctuat ictu,  
Nec titubat nutans tumidis agitata procellis:  
Trajecit semper felicibus æquora velis.  
Remis *Prora* citis consulcans flumina Ponti,  
Neptuno post se vestigia nulla relinquit!  
Hæc *Ratis* alta, viam virtutum tramite signat,  
Mergere quam Boreas hostili gurgite nescit:  
Illam qui insequitur bibit hostis naufragus undas.  
Impletur gemmis pretiosis aurea *Classis*,  
Quas honor addit Regni connectitquè CORONÆ.



Æquali Cursu virtutum, tendit in omnes,  
 Nerei fluidas laudes *Czarniecia Puppis*,  
 Quæ Patriæ famam, Regnorum portat ad Oras.  
 Consimiles fasces, gestat *Poninscia Cymba*,  
 Pulchra trophæa vehens quæ ponderat ipse Senatus,  
 Cælo præsentans victricis pignora dextræ.  
 SZEMBECIANA DOMVS, tali conjuncta *Carina*  
*Auratum Vellus* securâ devehit undâ.

*Ascia.*

ASCIA glorificis nitet *Offolinscia* gemmis!  
 Ictibus in *validis* quæ semper ab hoste rediit,  
 Ausonios fasces superans Latiasquè secures,  
 Et sonitu tetrens consuevit sternere Castra.  
 Victrices lauros sibi messuit *Ascia* fortis,  
 Perfida quâ Patriæ regnantis monstra necantur:  
*Acres* hæc *sevus* metuit *Catilina* secures:  
*Tarquinius*què fugat cum *Brutis* *Ascia* fortis:  
 Exsecat in Regno fulgens spineta *Bipennis*,  
 Mordaces plectens urticas atquè rubeta:  
 Victrix è Campo connexuit ASCIA lauros,  
 Terruit offensos districto lumine Martes,  
 Argutumquè feris jaculis hebetavit acumen:  
 Attraxit Clypeos, Enses ac aurea scuta,  
 Sceptra, graves Clavas, Mitras, magnetica *Cuspis*.  
 ASCIA TARLONVM simili virtute coruscat,  
 Atquè pari nitidas cumulat virtute Coronas.  
 SZEMBECIANA DOMVS circumdat flore *Bipennè*,  
 Et Tyrius rutilat conjuncto sanguine murex,  
 ASCIA decollat turmas, cristasquè rebelles,  
 Flora coronat opus, nec toto celat in Orbe.

*Wieniawâ*

Egregium Patriæ Caput effert atquè Coronas  
 Cælis & terris, *Leszczynsca* fama! Deorum  
 Quæ superat mentes; statuas, vocesquè Minervæ  
 Elingues reddens: falso certantia vultu  
 Æra cadunt: Parij lapides sudore liquecunt:  
 Phydias artes nec Jupiter aureus audet  
 Ante Caput Regni vivum, monstrare colendas.  
 Hoc Caput excelsum truculentos terruit hostes,  
 Fecitquè attonitas Bellonæ stare phalanges.

*Gallica*



*Gallica* quæ rutilant speciosis *lilia* Campis,  
 Hoc *Caput* exornat *Reginæ*: sartaquæ necit  
 SZEMBECIANVS honor, *rosea* de germine *Flora*  
 Floribus inscribens fulgentia Nomina Regum,  
 Æstimat atquæ *Caput* regali sanguine junctum  
 Vt Sol in Regno radianti luce refulgens:  
 Auricomum sic hoc *Caput* inclinatur ad omnes,  
 Omnem debemus pro tanto sidere cultum.  
*Circulus* æterni meriti dependet ab *Ore*,  
 Principis ingenium, quod claret ab *Ore*, probatur.  
*Cæsariem* mentis redimit prudentia rerum,  
 Consiliôquæ potens *Themis* incorrupta refulget.  
 Hoc *Caput* effigiem Procerum demonstrat & arma,  
 Exturbat Martes inimicos fronte decorâ  
 Cujus ad obtutum fugiunt reboantia Castra:  
 Hoc *Caput* egregium fuerat certamine clarum,  
 Vt *Roseis* sertis dignum diadema referret.

*Pilava.*

POTOCIANA CRVCIS confurgit gloria Cælo,  
 Per quam tota salus Regni, cum pace triumphat,  
 Nec talem Memphis poterit formare Colossium,  
 In quo tot Regum, Procerumquæ colenda leguntur  
 Stemmata virtutum, digni Martisque labores,  
 Primatum CRVX est meritum bajula Regni,  
 Atquæ Ducum dignos extollit in æthera fasces:  
 Qui legis invenies junctum *Stemmata* Cælum,  
 Quô CONSTANTINVS Legionum monstra fugâdo,  
 Terribiles visu formas in robore pressit.  
 POTOCIANVS honor, si Martis signa revolvas,  
 Est Macedoni par, magnâ virtute triumphat,  
 Ex rebus gestis nec toto prenditur Orbe.  
*Scipio* qui fuerat populo Carthagine cincto,  
 Ac *Asiæ* semper metuendus terror & horror,  
 Paret *Alexandro*, plantis sua Sceptra reponens:  
 Nec *Fabius* similes posset numerare colossos,  
*Potocianus* honor quales in stemmate monstrat.  
 Maxima Divini CRVX hæc est Numinis Ara,  
 Nubibus inducens ramos, & sidera tangens,  
 Cui Proceres Regni sua cuncti vota litant.



SZEMBECIANA Domus, signis his confociata,  
CAPREOLOS nitidos præcellæ consecrat Aræ.

*Fascia.*

FASCIA Regnorum *Malachowscia* cinget & unit  
Sphæras, detergens sudorum corpore guttas:  
Gordius hic nodus nullo dissolvitur ense!  
Colligit ingentes meritorum vitta maniplos,  
SZEMBECIANA Domus *roseo* quos ponit Acervo.

*Tuba.*

Fama *Tubis* resonans deprædicat alta Senatum  
Quo *Jordanorum* Magnatum Numina fulgent.  
Purpurei Proceres Hi consiliòquè potentes,  
Voce suâ clarâ traxerunt corda Penatum,  
Aures attentas gestorum laude replentes.  
Hostiles lites, & inextricabilis error  
Cessârunt: postquàm resonârunt clâssica tanta!  
Turcica Luna fugit, nec cornua tollit acuta,  
Terrifico titubans pallet clangore *Tubarum*,  
Ad quarum timidus sonitum mox corruit hostis,  
Mænia turritas deponunt mæsta coronas.  
Parta triumphabit victoria voce *Tubarum*:  
De quibus ipsa salus & pax firmata resultat.  
SZEMBECIANA *Tubis* Domus his conjuncta sonoris,  
Æternas laudes toto divulgat in Orbe:  
Dum ROSA vernando, florum Regina triumphat,  
Victricesq; comas, in pompam ducit honoris,  
*Classica* præcedunt celebrantia *Chloridis* aulam,  
CAPREOLIq; trahunt solium cum velleris Ostro.

*Pogonczyk.*

Auratis humeris pendent *Dziatynscia Tela*  
Quæ Martis cuneos penetrârunt luminis ietu,  
Vna sagitta necat totas per castra phalanges!  
Irrevocabilis est claro stridore per auras:  
Dum redit, apportat devicto Marte trophæa.  
*Annulus* in medio divisus lumina spargit,  
Verticibus Procerum indivisa, nitore corusco.  
Has contractas quisquis vis conjungere partes?  
Vna fidem Superis pars ipclyta dedicat almis,  
Altera pars Regno Cælum desponsat & Aris.  
In medio radiat, carissimus Unio Cordis.  
Purpura SZEMBECIJS radijs in Munice splendens,

Hanc



Hanc sibi pro summo connectit lumine gemmam,<sup>1194</sup>  
Et roseo redimit victricem flore Sagittam.

*Prus.* Insigni radio CRVX *Fabtonowskia* claret!  
Ipsis in Cælis hoc splendet Nobile signum:  
Quod Regum Capiti pretiosa luce coruscat,  
Quo zelus fidei plures non Marte valebit  
Pro Patriæ cultu lauros connectere lauris.  
*Falcibus* ac *Soleis* victrix armatur Imago,  
Quæ solo aspectu conturbat barbara Cæstra,  
Hostiles sternens galeas, Clypeosquæ minaces,  
Conculcans Lunam Turcarum robore plantæ.  
Aggregat hæc pulchram virtus ex agmine messem,  
Ac immortalis signat vestigia famæ.  
Hoc CRVCIS extollit signum, rutilasq; Coronas  
SZEMBECIANA Domus sublimi monte *Roseti*:  
CAPREOLOSquæ simul devotis dedicat Aris;  
Vt pateat *roseus* conjunctus cum CRVCE sanguis,  
CAPREOLI *Soleis* armantur *Falcibus* atquæ,  
Prælia cum tanto quis posset Marte movere?

*Rawicz.* VRSVS victricem *Bellonam* portat in Astra,  
Quem Majestatum *Przyiemscia* gloria fastis  
Conjuxit dignum, celebravit & ungue potentem:  
Quo Mars exterret fatuos DEBINSCIVS hostes  
Quem præfert Cælis simul OZAROWSCIA virtus:  
Vnde coronatâ pro Majestate triumphans,  
Non poterat meliore vehi victoria curru,  
Quàm dum conscendit Cælestem sideris axem,  
Atquæ comis nitidas addit pro lumine stellas;  
Vt meritum Regni, Sanctorum splendor adornet.  
*Ursa minor, majorq;* viam substernere gemmis  
Non tardat, quales fundunt gelidante pruinâ  
Parthasides Stellæ, quæ cingunt tempora Martis:  
Sicq; coronatum Martem nec frigora terrent,  
Nec nemorum saltus, nec aquosa volumina Ponti.  
Orpheus in sylvis stimulat certamina plectrô,  
Victricesquæ manus recolit modulamine vocis,  
VRSVS terribilis, recubans ad Mænia Regni  
Vnguibus armatus, Patriam defendit & ornat



Hostibus incutiens terrorem, voce triumphans,  
 Monstra necat Patriæ, Tygrides, fortesquæ Leones,  
 Arquæ venenosos pungit, pellitquæ Dracones,  
 Et sua gesta potens Cælesti nunciat Vrsæ.  
 Virgo Vestales extollit in æthera palmas,  
 Igne triumphali demonstrans gesta Gradivi,  
 Quo Regnum perstat, tranquilla in pace triumphans.  
 Nubilis est Marti, Nymphis præstantior exstat,  
 Digna coronari rutilis stellis Hymenæi;  
 Temperet ut Regni motus, scrutetur & Astra.  
 Hæc est totius Patriæ lectissima Mater,  
 Quâ Reges fortes folio regnare jubentur.  
 Gignit Alexandros Magnos, virtute potentes,  
 Pompeiosquæ parit! simul & producit in ævum  
 Ex rebus gestis clarissima Numina terræ.  
 Illa *Manus*, Superum, victrices tendit in Astra;  
 Ad votum Regni, Cælos inclinet ut altos!  
 Astraamquæ trahat pondus librare Senatûs,  
 Lucida Zodiaco Sanctorum lumina figit,  
 Signiferos Proceres vexillis signat & armis,  
 Daphnide splendidior! Florâ formosior omni!  
 Quæ lauros Regno produxit ab arbore vitæ.  
 Castra silent Martis tunc, hic dum prominet *Ursus*,  
 Ducere quis poterit cum tanto Principe bellum?  
 Murmure devoto Cælestia Numina laudat,  
 Herculis acta colens, enarrat Olympia festa,  
 Servat Hyperboreos fortissimus ungue *Triones*.  
 Nec Leo, nec Tigris solemnia præripit *Urso*.  
 Junctus CAPREOLIS VRSVS resonante triumpho,  
 Pomposè gradiens, aurato vellere fulgens;  
 Nescius iræ, Cælis infert stemma ROSARVM.

*Lelwa*

In Firmamento Regni *Tarnowscia Luna*  
 Claret, & albicomis stellis sua Castra coronat!  
 Cimmericas noctes pellens, Patriamquæ serenans,  
 Alluxit toties donec succumberet hostis,  
 Hoc infert Cælo *Volucris Junonia* lumen;  
 Nec poterat portare nisi stellantibus alis:  
 Effulget solidis in Regno Cynthia flammis!

Plena



Plena nitens meritis, rutilis redimitaque stellis,  
 Pollux & Castor quam primo lumine cingunt;  
 Lucet inocciduo Patriæ candore per Astra.  
*Stella pugnârunt*, hostilia Castra moventes,  
 Victrici galeæ componunt Astra coronam.  
 SZEMBECIANA *Rosa*, hoc splendet lumine jūcta;  
 Candida purpureis redeant ut sæclâ diebus,  
 Et niveo niteant *Capricorni* vellere lucis.

*Gryphus*. *Gryphus* amor Patriæ, legum defensor ab ungue,  
 Aurea Libertas posuit quem margine Regni;  
 Vt fortunatas Patriæ defendere gemmas  
 Possit, & immensam Regni conferre *Coronæ*  
 Lucem: quâ fruitur rutilis alatus in Astris.  
 Hic *Arimaspos* plenos Martis sanguine mactat  
 Insidiatores fortunæ: spectraquæ Regni  
 Vnguibus excæcans, tranquillâ pace triumphat.  
 Viribus his fulcit Patriam *Braniccia* virtus!  
 Fortior & Lybicus Pardis, Tyrioquæ Leone,  
 Excubat ante thronum Regni, diadema tuendo.  
 CAPREOLIS *Gryphum* dum Martia fædera jungunt,  
 Hesperidum *roseos* Hortos tutantur, & armant.

*Siempior*. *Struthio* conscripsit *Pennis* Præconia Regni,  
 Qualia commemorat meritis *Mniszkovia* fama:  
 Illis in pennis nitet indelebile Nomen,  
 Quale vehit *Phænix*, Cælo post fata superstes.  
 Condecorat dextram Sapientium penna *Solonum*,  
 Et Martis galeam cingit strepitantibus alis.  
 In septem *Pennis*, septem miracula *Memphis*  
 Colligit, & celebrat totus majora Senatus.  
 Hæ pennæ formant propiores Axe Colossos,  
 Extolluntquæ suas stellatas fronte coronas.  
*Struthio* procedens immenso corpore victor,  
 Compositis gradiens pedibus, discrimina flectens,  
 Hostibus infensis lapides post terga revolvit,  
 Quam molem certè *Sisyphus* portare nequireret.  
*Capreoli* similis plantæ, virtute triumphant,  
 Et tragicò ludunt *Mavortis* tela cothurnò.  
 Laureæ non satis est tantis Magnatibus una!



Duplex è roseo ferto, pennisquè coruscis  
Culmine præcelso, Regni diadema nitescit.

*Strzemic.*

Heròes Equitesq; feruntur, STAPETE Regni  
Inter quos altum scandit *Brzostowscia* fama  
Fastorum culmen, quod *Flavius* ipse stupefcit.  
Ille *Gradus* meruit Regni subfellia prima  
Pontificum Mitras attingens tramite recto,  
Armis invictus splendet *Brzostowscius* Hector,  
Hostibus in medijs qui primus & ultimus adstat:  
Ignitis pedibùs conculcans callida Castra.  
Arma virumquè canens armatus STAPETE dictò  
Clarus Eques cuneos penetrat Martisq; phalanges,  
Laurea ferta legit, numerando mille triumphos,  
Quales non collegerat unquàm fortis Achilles.  
Pro gemmis cingunt *Capricorni* vellere Martem,  
Et ROSA purpureo circumdat flore Senatum.

*Bończa.*

MONOCEROS acies hostiles castraq; cornu  
Erecto penetrans, terit acris cornua Lunæ:  
Quò fidei Sanctæ sunt oppugnacula fracta  
Turcarum: Tali *Kunicia* fulminis ictu,  
Inferens Martis compressit pectora Virtus,  
Terribiliquè manu confregit ahenæ castra  
Ictu glorifico, primis & plausibùs almas  
Pontificum metas, & punctum attingit honoris,  
Fortunam Regni superans certamine laudum,  
Fundere quam nescit prædivite copia Cornu.  
SZEMBECIANA Domus tali conjuncta decori,  
CAPREOLOS fortes in prælia mittit: & ornat  
Victores roseis lauris, simul Altra coronat.

*ROSA Fal-*  
*cibus insti-*  
*cibus insti-*  
*gnita.*

*Falcibus* armatur ROSA, quæ cum flore Senatum  
Vestit, & hoc signo Pro-Regia Sceptra coronat:  
Nec tangi poterit: jaculis munita potenter:  
Veris honor redolet, qualem *Dobinscia* fama  
Effert in Patria; nec fulgida Purpura celat  
Gnesnensi Cathedræ: Genus hoc & sanguinis ortu.  
Est Ornamentum Regni, Nomenquè perenne.  
Excoluit virtus splendentia *Falcibus* Arva,

Inqui-



In quibus efflorent *Mitræ*, rutilæquæ *tyaræ*.

SZEMBECIANA Domus nitidis his claret in arvis,

Atquæ ROSAS Campo conjungit, & erigit Aras.

*Nowina.* *Circulus Auratus*, quo clarum pendet *Ahenum*,

*Aternas* famæ laudes & pondera signat.

Ignem triumphali radiat, rutilôquæ *pyropô*;

Fervida quam fuerint pro Regni Corda salute,

Elevat effusos sudores pectore toto.

Divis Numinibus Regni dat nectaris escam,

Et Patriam potat liquidis lymphis satiando,

*Calcar* tum *Gladius* signo conjungitur illi:

Hostibus evictis *Gladij* nam splendet acumen,

Gloria *Calcar* habet, quô summos scandat honores,

Atquæ Senatorum fasces extollat in *Astra*.

*Purpura Czernorum* tali insignitur honore,

Quæ Patriæ fulget paries, & murus *ahenûs*.

SZEMBECIOS flores tum celso sanguine nectit,

*Hyblæis* fertis lauros quas messuit, addens

Per Martis *Gladium Calcar* præbetquæ decorem

*Capreolis*, citiùs scandant ut culmina Regni.

ERANCISCUS CZERNY, Regni signatus honore,

*Osuecimensis* dum *Castellanus* adornat

Regales Aquilas, vocat in sua lumina *Phæbum*.

Primus PRIMATIS Dux, Mareschalcus in Aula,

Sidereo vultu perlustrat Castra ROSARVM,

Et Patrijs Stellis Pro-Regia gesta coronat.

ANDREAS CZERNY, vel solo Nomine *Fortis*,

Per *Sandecenses* dum *Castellanus* honores

Extollit Martem; *gladiô* lauros rutilante

Colligit, & fronti victricia signa reponit.

*Columna.* Gloria quam posuit *metam*, virtutis & augem

Passibûs impavidis tangit *Walewscius* Ardor,

Atquæ coronatam præsentat in Orbe *Columnam*.

Qui celebres ludos duxit certamine Martis,

Et fixo cursu meritorum, pervolat *Astra*.

Consimilem *metam* tangit *Walewscia* fama

Quam LESKO Princeps victrici fronde coronat.

Ha

Pon.



Pondera quæ struxit saxoso culmine Memphis,  
 Præpetis in subitam famæ cecidêre ruinam.  
 Firmior hic perstat celsis *Obeliscus* in agris!  
 In quo scripta patent Procerum tot Nomina Regni.  
 Est inconcussus Paries, Patriæquè *Columna*,  
 Quæ superat gestis præclaris Herculis acta:  
 Hostibus infensis hæc sola est ultima meta,  
 Mavors convictus, lauros deponit ad illam,  
 Ordine compositæ fulgent radiante *Coronâ*  
 Gemmæ, quæ tradunt remicantia lumina Phæbo:  
 Sicquè repercussâ ludunt in luce lapilli.

SZEMBECIANA *Rosis* exornat *Flora Columnam*:  
*Capreoli* metam pulchro certamine tangunt.

*Poray.*

Flore *Rosinorum* rutilat generosa Propago  
 Numinibus Martis Romana Palatia complens,  
 Stemmata quo rutilo famosa *Bohemia* claret,  
 Et Cælos pleno Sanctorum lumine cingit.  
 Fulget ADALBERTUS tali fulgore coruscus,  
 De quo *Gnesnensis* trahit inclyta *Purpura* lucem.  
 His Roseis fulget *Kobielecia* Mitra pyropis,  
 Pontificale decus simul hoc in lumine splendet.  
 SZEMBECIO *Flos* hic dum floret sanguine junctus,  
 Purpurea Regno revirescent sæcula sorte.  
 Hic Odor in Patria scarabæos enecat hostes,  
 Ornat & egregio regnantem flore Senaturn.  
 Altrivolæ Cælis Aquilæ *Roseum* genus illud  
 Celsius extollunt inter Regalia signa.  
 SZEMBECIANA ROSIS quando connectitur istis  
*Chloris*, odoratas extollit Nominis aras.  
 SZEMBECIANVS honor, simul & *Metzyscia* Flora,  
 Hæc pulchro nexu viridaria plantat amana;  
 Per quæ Purpurei tantum spatiantur Honores.  
 Hos Regni Flores numquid Proserpina carpet?  
 Immortale decus, qui sunt, Patriæquè Corona.

*Żółty-  
biec.*

Auratos Equites SOLEA Clypeoque potentes,  
*Rychkij* Proceres conjuncto Stemmata monstrant,  
 Aurea quod cingit CRVX armis nescia vinci.

Hoc



Hoc sequitur Signum Mars *Konopnicus* Almus,  
 Qui *Cruce* magnanimus vincit reboantia Castras  
 Et Soleâ clarus, conculat colla superba.  
 Annulus, in Rostro *Volucris* quem portat adunco,  
 Spondet fortunam: penetrans & sidera Cæli,  
 Nominis extollit famam resonante volatu.  
 Æquali passu virtus *Jwanscia* currit,  
 Hostibus in medijs pugnans immota triumphat.  
 SZEMBECIANA *Rosis* Victores *Flora* Penates  
 Ornat, & appretiat præclaro sanguine junctos,  
 Et Volucris Regni committit Regia Sceptra.

*Jwanscia* Signorum Princeps *Aries* Cælestis habetur,  
 Cornibus auratis qui veris sidera pandens  
 Primus ad auroram concurrit vellere lucis:  
 Candidus est *Agnus*, tum Pacis nuntius almæ,  
 Qui placido totum conjungit fædere Regnum,  
 Et lauros nitidas retinens prædivite cornu,  
*Capreolis* junctus *Rosea* nutritur in esca.  
 Candorem Patriæ similemquæ *Podoscia* vultum  
 Fama gerens, tali plus fædere conterit hostem.

In Regni Solio resplendent Numina plura!  
 SZEMBECIANA Domus *roseâ* quæ servat in Aula,  
 Atquæ replet totas Europæ vultibus Oras.  
 Hæc numerasse decet regalia lumina: primis  
 Quæ radijs renitent tanquam essent Astra Polorum.  
 Quorum fulgores tremulis nec *Cynthia* flammis  
 Nec Polus exsuperare potest: nec in imbre Triones  
 Hostili mergunt radiantem luminis Axem.  
 Excelsâ Cælis *Capricorni* luce coronant,  
 Atquæ nitent *rosea* Pax & Concordia vultu!





**LEO**  
**BENEDICTINUS**  
 CELSISSIMI, ILLUSTRISSIMI,  
 &  
 EXCELLENTISSIMI  
 PRINCIPIS,  
 Abbatialibûs ROSIS  
**CORONATUS.**

**E**T LEO Magnanimus, (qualem Benedicta Propago  
 Condigno recolit cultu) non tardat adesse;  
 Ut tua pomposæ narret præconia famæ,  
 Et simul ò PRINCEPS! Cathedrali assistat honori,  
 Vnguibus atquè potens conscribat Nomen Olympo.  
 Solstitiale Caput, Sanctorum splendor adornat,  
 Sidereis cingens Stellis & in Axe locando:  
 Annulus æternus, Cujus pretiosa coronat  
 Gesta, simul rutilis circumdat Roma pyropis.  
 Hic *Leo* Regali *muro* decoratus & armis,  
*Capreolos* forti defendet robore dextræ,  
 Atquè *Rosis* junget Reginis Regia Sceptra,  
 Velleris aurati pondus librando per Astra,  
 Excubat ante Thronum Regni ac Oculis adapertis  
 Certa pro Patriæ vigilat pugnatquè salute,  
 Perpetuò ut regnet *Pro-Regia* flore CORONA:  
 Rugituquè fremens, qualem nec machina belli  
 Evomit in flammis, ejectans fulmina dira.  
 Vnguibus excoluit cultis viridaria compta,  
 SZEMBECIANA quibûs præfulget *Flora Rosarum*.



CELSISSIMI & EXCELLENTISSIMI  
PRINCIPIS,  
CHRISTOPHORI  
ANTONII

COMITIS in SLUPOW  
SZEMBEK

Primatis Regni Poloniae,  
*Illustrissimorumq; ac Reverendissimorum Praesulum*  
SZEMBECIORUM,

*in*  
PRO-REGIA CORONA  
erga Orthodoxam ECCLESIAM  
GEMMEA celebratur PIETAS.

Ode.

SVprema terrae Dignitas  
PROREGIAM CORONAM  
Honoris in Templo locat,  
Adoreâ colendam.  
Ecclesiarum Gloria,  
Fideique Principatus,  
SZEMBECIANO Stemmate,  
Resplendet ad stuporem.  
Rutilans Sacrorum Praesulum,  
ROSA fulgurat per Astra,



1209. Divini amoris ignibûs,  
Flammisque sanctitatis.  
Quas ulla sæculis suis  
Abolere nescit ætas,  
Et nubilosa claudere  
Mortalitatis umbra,  
Sabæa thuris munera,  
Famæ fluunt amomô  
Sacella Numini Sacra,  
Replentur ex odore.  
Ne desit Aris victima  
*Hædi* patent bicornes.  
Sublimibus Cælestia  
Superantque Signa plantis.  
Hi bellicis sunt machinis  
Virtute fortiores,  
Qui monstra pungunt Patriæ,  
Ecclesiæque larvas.  
Hi dignitate velleris,  
Regno litant decorem,  
*Rosisq;* sternunt semitam.  
Fasces ad altiores.  
Zizaniarum noxia  
Cornû rubeta purgant,  
Et ante Regis excubant  
Validi Thronum Leones.  
Suis in Aris Præsules  
Spectantur Infulati,  
Quorum gradus, lectissima  
Virtute Chloris ornat.  
*Præmatialis* Purpura  
Violas Rosasque præfert,  
Quas dignitas SZEMBECIA  
Pro laudis addit Ara.



STANSLAVS Astris celsior!

1204

Miraculum Senatûs.

Manes ab umbris excitat,

Virtutis insepultæ.

*Cracij Vavelli* culmine,

Diadema prædicatur,

SZEMBECIANVS quod *Rosis*

Honor suis coronat.

MICHAEL *Paph ensis* Pontifex,

Pro Nominis decore,

Famam tubis sonantibus

Divulgat inter Astra.

In *Varmiensi* Murice,

Prætiola gemma fulget,

Et aureum cum Principe

Vellus per Astra lucet.

Nec dignitas sublimior

Hunc Principem præibit,

Nec surget eminentia

Suo IOANNE Major.

Regis superni bajulat

CHRISTOPHORVS coronâ,

Quæ siderum præfulgido

Præcingitur Senatu.

Regina veris Cypria

*Rosa*, gloriæ replevit

Gratissimis Odoribûs

*Premistiense* Templum.

*Cujavienses* Exedrae,

Æterna fulcra monstrant,

Antistitis Sacro pede,

Superantquè Scipiones.

*Chelmenfis* Ara, culmine

Præcelsiore claret,

K

SZEM-



1205. SZEMBECIANVS quasilocat  
Ingens in auge cultus.  
In *Annulo* gravis lapis  
Sine læsione splendet.  
*Cruce* prominens in pectore  
Antistitum piorum,  
Est pectorale Cordium  
Insigne subditorum.  
Quis tanta posset Nomina  
Vel floribus referre?  
Quæ sunt racemis omnibus  
Hyblâquè dulciora.  
Probitatis illa Pascua  
Nitidis relecta dextris,  
Greges pij dum delibant,  
Capiunt magis saporem.  
Exculta cordis jugera,  
Verbô virent acutô,  
Spineta Conscientiæ  
Velluntur arte mentis.  
Clarent opes Altaribus,  
Oblatione digna,  
Et aureum præponderant  
Vellus, Tyriq; dotes.  
Intexta gemmis Infula,  
Suprema tangit Astra,  
Æternitatis gloria,  
In annulo coruscat.  
Quæ lingua dignam gloriam  
Magnatibus reponet?  
Immensa quorum Nomina,  
Nec ipsa lausprehendit.  
Præлата dignis sedibus  
Perorat ipsa virtus,  
Vultu trahens Modestiae  
Gressus pios sequendo.



O Magne PRINCEPS Principū! 1206

O Maximisque major!

Regnique fama Nobilis,

Et *Prima Laus* Senatūs.

Insigne Majorum decus,

Generisque Nomen altum.

Reddis tuā spectabile

Virtute *Principali*.

Decebat efferri tuæ

Tiaræ decora gesta;

Quam tota dignam prædicat

Honoris amplitudo.

Catonis eloquentiam,

Solonis æquitatem,

In Te stupescit *Principe*,

Prudentiæ Minerva.

ANTONIVS cum lilijs,

ROSAS tuas ligasti,

Hæc mira Colligatio,

Cælis nitescit ipsis.

Quis prævalet præscindere

Hoc Gordium ligamen?

CHRISTOPHORVS præcordijs

Cæleste Numen arctans,

Atlas Olympum bajulas,

Virtute fortiore.

Famosa regnet Purpura?

Præcella Vitra regnet!

Non invidæ corrodere

Tineæ decus valebunt.

Patriæ diu PRO-REGIA

Regni *Corona* fulge!

Oblata Vota suscipe,

Terrestre Numen *Aris*.



# Primatiali Dignitati, PRO-REGIÆq; CORONÆ

*in medio ECCLESIAE, ac in Templo Honoris*

pro Majestate meritorum

## ELEVATÆ,

gratum depromitur Eucharisticon.

### O D E

**V**exilla Regni fidereos super  
 Expanſa paſſus ſurgite! flamine  
 Commota ſuſpirantis Auſtri,  
 Compoſito reſonate motu.  
 Efferte Cælis Pontificum decus!  
 Quali coruſcat SZEMBECIUS thronus;  
 Vultuſq; tantorum Penatum  
 Egregiam Procerumq; pompam  
 Monſtrate. Plauſus ducite maximos;  
 Iratus altis en Boreas minis,  
 Non obſtat: Eurus turbulentus  
 Non ſtrèpit & Nothus in procellis.  
 Virtutis almæ celiſus eminet  
 SZEMBECIORVM Nomen imagine:  
 Vivisquè certat Principalis  
 Effigies, ſpeciesquè ſignis.  
 Primatialis culmina dignitas  
 Honoris, almis elevat ædibûs!  
 Terreſtre Numen ſplendet Aris,  
 Votaquè fert populus colenda.  
 Eccleſiarum tympana plaudite!  
 Tubæ canoris correboent ſonis:  
 Ac excitet plauſu perenni  
 Machina perpetuas Olympi



Flammas triumphi. Lumina fulgurent

1208.

Præclara gemmis Præfuleis! quibûs

Exorta Regni pulchritudo,

In medijs renitescit umbris.

*Pro-Regio* Pax consedeat *throno!*

Fidesquè junctas consolidet manus:

Regale miremur tribunal

Pontificum! recolendo dona

Crucis. *Rosarum* Flora Palatium

Exornet albis aurea lilijs!

Lauris coronatæ *Capellæ*

Principis appretient *Coronam*:

Plenis remonstrant Stemmata *cornibus*

Dotes, & aurum Dalmaticum, quibûs

Ecclesiæ dotata Sponsa;

Aurea tempora vivit omni

Ævô: colamus semper amabile

SZEMBECIORVM Nomen, in Optima

Famâ *Rosarum!* quod Sabæo

Germine, Nos revocat sub Astra.

Larvas stupendas, monstra minacia,

Et spectra Regni, *magnanimi Capri,*

Bellô potentes, gloriosis

*Cornibûs* è Patria fugârunt.

Firmata Sanctis dogmatibus Fides

Excrevit Orbi, sub Patrijs *Rosis,*

SZEMBECIANUS zelus, ullâ

Debilitate nequit laborum

Frangi. Coruscat Regula, Nobile

Nomen: Figura est, Normaquè certior,

Delapsa Cælis: omnis illam.

Qui sequitur, manet hinc beatus.

O magne PRINCEPS! Gloria Præfulum!

Summis ab Ortu Regibus intime,



1209 Dent Cælites! ut *Purpuratus*  
In gremio Procerum nitescas,  
Quos Orbis audit. Laudibûs inclyte!  
Cælisq; terris vive perenniter!  
Ecclesiæ sis firma Petra,  
Et Patriæ lapis Angularis.  
*Corona* dignis pro meritis tuis  
Æterna floret; tum rutilæ ROSÆ  
Spirant odores, quos Acervo  
Perpetuo Pietas adauxit.  
Admitte gemmas, REGIA quas Tuæ  
Mitæ Ducali Dextera porrigit!  
Abbatialis fulgor addit.  
Luminibûs rutilas pyropos.

Ad immortalem famæ gloriam,  
Roseo Sanguinis Flori  
in Primatiali Purpura  
ac PRO-REGIA CORONA  
*per immensa virtutum Lumina Rutilanti,*  
celebris erigitur Obeliscus.

O D E

**C**hloris excelsos Zephyris amica  
Tramites sternat roseo colore,  
Ac odoratos tenuem per auram  
Spargat honores.  
PRINCIPIS Nomen, venit ex Olympo,  
Hybla cûi totam speciem dicavit:  
Pronus audit Quod simul ac adorat,  
Integer Orbis,

Nomen



Nomen augustum, Superis amandum,  
Ex ROSIS natum, violisque cinctum,  
Quale nutrit niveo beata

Gratia lacte.

Cujus immensi generis propago,  
Palmites Cælo retulit colendos,  
Nobili morum probitatis atque

Sanguine tinctos.

Templa quæ cultum meruere Sanctum,  
Præsulis zelum memorant stupendum,  
Nomen æternis celebrant trophæis,

Totaque plaudunt.

Fana Iunonis, Iovis, & Dianæ,  
Squallidis umbris trepidant & algent,  
Tristiùs descent Pario refusas

Marmore guttas.

Quomodo Divum rutilant Sacella,  
In quibus certat Chorus Angelorum,  
Principis cultus colit hæc Supernâ

Relligione.

Compta stellatis tremit Ara flammis,  
Quas Amor servat fidei calore:  
Fama virtutum redolente spargit

Thure vapores.

Iactat ornatum pretiosa gemma,  
Aureis quamvis capitur catenis:  
Præsulis Cor quod Superos sequatur,

Torque tenetur.

Spectra Gorgonum, fideiq; monstra,  
Invidos vultus rapidæ Medusæ,  
In cavernosum relegant Avernum

Robore Capri.

Et licet tangi ROSA laude nolit,  
Sub rosa condi tamen ac reponi



Non potest; Cujus benè totus Orbis  
(211) Sentit odores.

Ex ROSIS celsum Patriæ Colossum  
Exstruit, PRINCEPS, Tua magnitudo.

*Regios* sculpit titulos Poloni  
Gloria Regni.

Emines PRIMAS Solio Senatûs!  
Purpuram Cujus ROSA Principalis  
Ornat, & totum Roseum facit Te,  
Sidus in Orbe.

Viva Majorum rutilans imago,  
In tuis PRINCEPS meritis coruscat:  
Plena virtutum facies remonstrat

Inclita gesta.  
Te CAPVT Regni, & Procerûm CORONAM  
Delphicæ lauri redimire debent:  
Debet & pingi ROSA *Cardinali*  
Murice PRINCEPS.

C E L S I S S I M O R U M,  
I L L U S T R I S S I M O R U M

*ac*  
*Excellentissimorum* H E R O U M  
S Z E M B E C I O R U M  
Constas erga ECCLESIAM Fides,

*Quà Sagô, quà Togâ, erga PATRIAM*

Inextinctus Amor

deprædicatur,

ac in PRO-REGIA adoratur

C O R O N A.

Ode



# ODE.

1212

**R**egni verna dies refulsit Orbi!  
 Annus florifer explicat *Coronas*:  
 Regnat priscus honos in arva cuncta,  
 Chloris **SZEMBECIIS** *Rosis* venusta  
 Dum fulget redimita gloriosis:  
 Dotalis Zephyrus quibus locavit  
 Campos Elisios, vireta plena  
 Lauris gemmiferis, *piis & herbis*.

Toto Ecclesia Sancta claret Orbe:  
 Reginâ dominante nempè florum,  
 Reges lilia claritate pubent,  
 Svaves tum violæ comis coruscant  
 Mystrarum: ac Hyacinthus ardet Orbe  
 Zelosæ fidei calore plenus.  
 Raucae fluctivagæquè Nymphæ,  
 Grato murmuris Amne consonantes,  
 Mulcent ætheream Poli Coronam.

Sub miti Zephyri tepentis aurâ,  
 Conjurata silet phalanx, cohorsquè  
 Ventorum: nec acuta tela dirus  
 Vibrat Mulciber in *Roseta* nostræ  
 Florentis Patriæ, quiete cincta:  
 Nec grando rapidis furit procellis.  
 Et quamvis ROSA fronde spargat umbras,  
 Hac sub nube modestiæ, latere  
 Nescit Purpura Principalis Ostri.  
 Majorum rutilat decore virtus,  
 Claro Sanguine Nomen, ac Imago.  
 Regni tincta rubet, nitetquè forma.

M

Qualem



Qualem nec Scythici cavant Triones.

Regum Nomina Principumq; florent  
His inscripta ROSIS, patentque laudes:

Immortale decus virescit ævo,

Languentis Patriæ, sub hac amænâ

Et Pax atque salus, quiescit umbrâ.

Sub Cælo *roseo* tepentis auræ,

In Regno, Procerum nitent *Coronæ*.

Stipatur violis gravis senectus,

Parnasso resonant novæ Camænæ,

Sub lauris Pietas triumphat alma.

Stillat Cecropijs favis *Rosetum*,

Nostro mellea sæcla Virginales

Contestantur apes venisse Regno.

Fortes CAPREOLI potente cornu

Defendunt Patriæ Statuta jura:

Vt pugnent animosiore Marte,

Cælestis *Capricornus* addit arma.

Illos Turcica Luna pertimescit,

Et claudit tremulum jubar Dianna:

Nôrunt vincere fortiore cornu.

Rugitu neque Balthici Leones,

Terrent armigeros; nec arte Mavors

Posset carpere *vellus* hoc Polare.

Quis præconia sufficit referre

Tantis Numinibus per Orbis Aras?

Aût quis digna *Rosis* dabit trophæa?

Quot clarent folijs *Rosæ* decoræ,

Tot Regni Clypei nitent & hastæ,

Tot munimina firma Martis adsunt,

Tot fulgent Patriæ, novæ CORONÆ.



In Roseam Celsissimæ Domus  
SZEMBECIANÆ


Majestatem,  
& PRO-REGIAM CORONAM,  
Triumphalis Applausus.

O D E.

**P**Ande Flora veris hortos!  
Prata compta rideant:  
Aura lenis impleatur  
Atticis odoribus.  
Convoca *Florum Senatum*!  
Certet altis vultibus!  
Sol tenellas pungat herbas!  
Clariore lumine:  
*Imperatrix* ecce *Florum*.  
Cytheræa prominet;  
Obvias da Flora pompas  
Cincta pulchro germine.  
Principales atquæ læti  
Convolute flosculi!  
Erigentes elegantem  
Regiæ *Rosæ* thronum.  
Splendeat gemmis *Hydaspes*!  
Hybla fumiget thymô:  
Et Thetys rubris adornet  
Tramitem coralijs.  
Nympha jungat dulce *Carmen*,  
Fluctibus sonantibus!



Et Camænæ ferta nectant  
 Frondibus virentibus.  
 Auream legat *Coronam*  
 Flava Narcissi Coma!  
 Et Peoniæ decorent  
 Fulgurantem Purpuram.  
 Herculis clavas remonstrent  
 Aphrodisiæ Citri,  
 Cedrus alta vallet Augem!  
 Sceptra formet lilium.  
 Scipiones Palma reddat!  
 Spina pungat barbaros:  
*Vellus Aureum* coronent  
 Astra puro sidere.  
 Fulgidis pompis CORONA  
 Splendeat PROREGIA:  
 Et Supremo dignitatum  
 Elevetur vertice.



W.

7.2.12.7







